



SLUŽBENI GLASNIK OPĆINE TEŠANJ

IZDAVAČ: Općinsko vijeće Tešanj UREĐUJE: Stručna služba OV Odgovorni urednik: Hazim ĆEMAN TELEFON: 074/750-341	Godina: XXXI - Broj 7	ŠTAMPA: Roto-tehnika Stručne službe OV-a Tešanj Godišnja pretplata 50,00 KM Žiro račun 12360-630-219 "Službeni glasnik" izlazi po potrebi
	Petak 17. septembar 1999. godine T E Š A N J	

Na osnovu člana 31. i 91. Statuta općine Tešanj i člana 87. Poslovnika o radu Općinskog vijeća Tešanj, Općinsko vijeće Tešanj na svojoj 17. redovnoj sjednici održanoj 11.09.1999.godine, donijelo je

ODLUKU o izmjenama Statuta općine Tešanj

Član 1.

U članu 27. stav 2. Statuta općine Tešanj ("Službeni glasnik općine Tešanj" broj: 1/99 i 3/99) riječi "35 vijećnika" zamjenjuju se riječima: "25 vijećnika".

Član 2.

Ova Odluka stupa na snagu objavljivanjem u "Službenom glasniku općine Tešanj", a primjenjivat će se nakon provedenih i od OSCE službeno potvrđenih izbora 2000.godine, na području općine Tešanj.

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA

Miralem UNKIĆ, s.r.

Broj: 01-02-3409/99

Datum: 14.09.1999. godine

Na osnovu člana 111. Zakona o prostornom uređenju ("Službeni list SRBiH" broj: 9/87,23/88,24/89,10/90,14/90,15/90,14/91, "Službeni list RBiH" broj, 16/92 i 20/95) i člana 31. Statuta općine Tešanj ("Službeni glasnik općine Tešanj", broj: 1/99) Općinsko vijeće na svojoj 17. sjednici održanoj dana, 11.09.1999. godine, donijelo je

ODLUKU

o dopunama Odluke o usvajanju i sprovođenju Regulacionog plana "Centralnog dijela" Tešnja

Član 1.

U Odluci o usvajanju i sprovođenju Regulacionog plana Centralnog dijela Tešnja ("Službeni glasnik općine Tešanj", broj: 8/90) iza člana 2. dodaje se novi član 2a. koji glasi;

"Član 2a.

Na parcelama predviđenim za izgradnju stambenih i stambeno-poslovnih objekata dozvoljava se izgradnja i dogradnja i nadzidiivanje objekata pod slijedećim uslovima:

1. Odstojanje između najisturenijih dijelova objekata ne računajući krovnu strehu ne može biti manje od:
 - između prizemnih objekata . 4,00 m

- između spratnih objekata (P+1)
..... 6,00 m
- između spratnih objekata (P+2)
..... 8,00 m

2. Ukoliko na bočnim fasadama već izgrađenih objekata ne postoje otvori na stambenim prostorijama nego samo pomoćnim (ulaz, hodnik, stepenište, ostava, kupatilo) odstojanja iz tačke 1 mogu biti i manja, ali ne mogu biti manja od 1,00 m od granice susjedne parcele, pod uslovom da objekat koji se gradi isto tako ne smije imati otvore stambenih prostorija na toj strani.

3. Ako na susjednoj parceli nema objekata odstojanje od iste mora biti minimalno 3,00 m ako će objekat imati otvore na stambenim prostorijama sa te strane, odnosno minimalno 1,00 m ako neće biti otvora na stambenim prostorijama".

Član 2.

Ova Odluka stupa na snagu narednog dana od dana objavljivanja u "Službenom glasniku općine Tešanj".

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Miralem UNKIĆ, s.r.

Broj: 01-23-3209/99-

Datum: 14.09.1999. godine

Na osnovu člana 111. Zakona o prostornom uređenju ("Službeni list SRBiH" broj: 9/87,23/88,24/89,10/90, 14/90,15/90,14/91, i "Službeni list RBiH" broj, 16/92 i 20/95) i člana 31. Statuta općine Tešanj ("Službeni glasnik općine Tešanj", broj: 1/99) Općinsko vijeće na svojoj 17. sjednici održanoj dana, 11.09.1999. godine, donijelo je

O D L U K U

o dopunama Odluke o usvajanju i sprovođenju Regulatornog plana "Jugozapad" Tešanj

Član 1.

U Odluci o usvajanju i sprovođenju Regulatornog plana "Jugozapad" Tešanj ("Službeni glasnik općine Tešanj", broj 6/91) iza člana 2. dodaje se novi član 2a koji glasi:

"Član 2a.

Na parcelama predviđenim za izgradnju stambenih i stambeno-poslovnih objekata dozvoljava se izgradnja i dogradnja i nadzidivanje objekata pod slijedećim uslovima:

1. Odstojanje između najisturenijih dijelova objekata ne računajući krovnu strehu ne može biti manje od:

- između prizemnih objekata .. 4,00 m
- između spratnih objekata (P+1)
..... 6,00 m
- između spratnih objekata (P+2)
..... 8,00 m

2. Ukoliko na bočnim fasadama već izgrađenih objekata ne postoje otvori na stambenim prostorijama nego samo pomoćnim (ulaz, hodnik, stepenište, ostava, kupatilo) odstojanja iz tačke 1 mogu biti i manja, ali ne mogu biti manja od 1,00 m od granice susjedne parcele, pod uslovom da objekat koji se gradi isto tako ne smije imati otvore stambenih prostorija na toj strani.

3. Ako na susjednoj parceli nema objekata odstojanje od iste mora biti minimalno 3,00 m ako će objekat imati otvore na stambenim prostorijama sa te strane, odnosno minimalno 1,00 m ako neće biti otvora na stambenim prostorijama".